



**ODRŽANA DEVETA SJEDNICA ODBORA ZA ODNOSE SA LOKALNOM  
ZAJEDNICOM**

U sali Općine Vareš, 28.04.2022. godine, kompanija Eastern Mining održala je devetu po redu sjednicu Odbora za odnose sa lokalnom zajednicom (PLC). Dnevni red sjednice započeo je razmatranjem zapisnika i zaključka sa prethodne, tj. osme (VIII) sjednice PLC-a, a zatim su predstavnici kompanije predstavili aktivnosti u prethodnom periodu. Jedna od tački dnevnog reda bila je i informisanje o početku građevinske faze izgradnje polimetalnog rudnika. Anes Hasečić, menadžer građevinskih radova, održao je prezentaciju o početku građevinske faze izgradnje na Rupicama. Članovima Odbora za odnose sa lokalnom zajednicom predstavio je i video koji pokazuje trenutno stanje na Rupicama i radove koji se tu izvode. Admir Silajdžić, glavni tehnički rukovodioc rudnika, predstavio je aktivnosti rudarskog sektora kompanije Eastern Mining s osvrtom na pripremu i kreiranje glavnog rudarskog projekta.



**POSJETA OPĆINSKOG VIJEĆA VAREŠ I NAČELNIKA OPĆINE VAREŠ**

Dana 10.05.2022. godine (utorak), kompaniju Eastern Mining posjetili su vijećnici Općinskog vijeća Vareš, zajedno sam načelnikom Općine Vareš, gđinom Zdravkom Maroševićem. Svrha posjeta je bila upoznavanje sa aktivnostima kompanije te su ovom prilikom vijećnici pored prezentacija o aktivnostima, posjetili i lokalitet Rupica gdje su se upoznali sa građevinskim i istražnim radovima. Ovo je nastavak transparentnog pristupa zajednici.

**POSJETA OPĆINSKOG VIJEĆA KAKANJ**

Dana 14.05.2022. godine (subota) kompanija Eastern Mining ugostila je vijećnike Općinskog vijeća Kakanj. Zahvaljujući dobrim praksama i društvenoj odgovornosti, kroz različite kanale komuniciranja, kompanija transparentno prikazuje rezultate svojih aktivnosti. Rezultat takvog pristupa je upravo i ova posjeta kroz koju su prisutni vijećnici imali priliku da se upoznaju sa kompanijom Eastern Mining, njenim radom i intencijama u pogledu otvaranja polimenatalnog podzemnog rudnika na Rupicama. Vijećnici su pored prezentacija o aktivnostima i radili, posjetili i lokalitet Rupica gdje su se upoznali sa građevinskim i istražnim radovima. Kako je općina Kakanj susjedna, namjere kompanije su da ova posjeta predstavnika Općinskog vijeća Kakanj bude osnov za dalju uspješnu saradnju kompanije i Općine Kakanj.



Kompanija Eastern Mining je organizovala Dan otvorenih vrata kako bi ugostili predstavnike značajnih institucija kao što su EBRD, World Bank, Švicarska i Britanska ambasada, Britansko-bosanskohercegovačka privredna komora, mikrokreditne organizacije, banke i sl., a sa ciljem upoznavanja sa radom naše kompanije te upoznavanja sa našim planovima i namjerama za buduće aktivnosti održivog razvoja zajednice. Ovom događaju je prisustvovao i načelnik Općine Vareš, gđin. Zdravko Marošević.

Predstavnici kompanije su održali prezentacije u kojima su predstavili kako kompaniju tako i njene osnovne segmente od odjela za održivost, Fondacije Adriatic i nabavki. Predstavnici organizacija su također ukratko predstavili svoje aktivnosti i upoznali nas sa programima koje nude za osnaživanje pojedinaca i zajednica.

Sa željom i nastojanjima da se općina Vareš osnaži, ovaj događaj predstavlja početak saradnje i priliku ovoj da se lokalnoj zajednici i njenim stabovnicima omogući pokretanje vlastitih malih i srednjih biznisa te da kompanija bude posrednik za grantove i fondove gostujućih institucija i organizacija.



#### INTERVJU SA RANKOM RAVLIJOM

**Želim da Vam se zahvalim na Vašem izdvojenom vremenu i tome što ćete govoriti za naš Eastern Mining bilten, a koji je u sklopu projekta „Living History Project“.**

**Za početak recite nam nešto više o sebi?**

Zovem se Ranko Ravlja. Otac troje djece i penzioner. Živim sam u Zagarskom potoku, blizu Vareš-Majdana. Tu sam i rođen. Imam 63 godine i na svu sreću još uvijek radim.

**Šta je bio Vaš prvi posao?**

Ja sam završio zanat 1976. godine, a tada se to tretiralo kao srednja škola učenika u privredi. Završio sam za mašin-bravara i radio u Željezari 15 godina. Divnih 15 godina. Trenutno što radim naslijedio sam od svog oca. Imao sam priliku da od njega naučim. To je takozvani „umjetnički liv“. Ovim poslom se bavim već 25 godina. U Željezari nije bio problem otkriti sebe i svoj kreativni dio, zato što smo bili okruženi vrsnim majstorima. I meni kao mašin-bravaru u to vrijeme se pružila mogućnost da uz ljude koji su ospozobljeni zanatlje, da naučim koliko sam želio i mogao.

**Možete li napraviti poređenje života kako je bilo prije, a kako danas u Varešu?**

Nostalgičan sam, to se ne može izbjegći. Međutim ima stvari koje me pogadaju kad vidim sadašnje vrijeme i kad ga poredim s prijašnjim. Dio toga ja pridajem činjenici što sam tada bio mlad i mladost sama po sebi ima nekakav kapacitet koji je nadnaravan. Međutim, sad u ovim godinama, kada realno pogledam, zaista je neuporedivo. U moje vrijeme kada sam završio zanat 1976. godine bilo je oko 1350 mladih u srednjim školama u Varešu i može se slobodno reći da je Vareš bio grad mladih. Sada je situacija dosta drugačija i to je najveća razlika.

**Šta vi mislite koliki je značaj za zajednicu da Vaš zanat opstane?**

Ovaj posao u današnjem vremenu može biti kao dopunska djelatnost. Ja prodajem svoje radove, ali ovdje može samo ljubav prevladati da bi se čovjek time bavio. Bit će velika šteta ukoliko ovaj zanat nestane, ali bojim se da je već kasno.

**Imate li nekoga da naslijedi Vaš posao?**

Nažalost nema, ali kada bi se pojavio neko zainteresovan da nauči, vrlo rado bih mu volio prenijeti svoje znanje.

**Spomenuli ste da svoje radove prodajete, odakle dolaze Vaši kupci i šta im je najzanimljivije za kupiti?**

Malo sam se bavio statistikom i analitikom da vidim gdje ima tih stvari i nema dijela svijeta gdje nema ovih proizvoda što sam radio, pa i najmanjih sitnica. Jedno vrijeme su se najviše prodavali standardni vareški suveniri kao što su ljevar, rudar, kovač. To je bilo vezano za ovo područje. Zatim kalupi u obliku janjadi koje se koriste za pečenje božićnog kolača. To je ono što je obišlo svijet.

**Jeste li upoznati sa projektom rudarenja na području lokaliteta Rupica i Veovače?**

Pratim vaš rad i jako mi je draga za sve što radite. To je ono emotivno što mi starija generacija imamo u sebi. Mogućnost pomaka, oživljavanja te industrije koja je nekad postojala u Varešu. Jako sam sretan zbog toga.



**Šta mislite, da li će i kakav će uticaj otvaranje rudnika i novi život uticati na Vaš posao?**

Pa mislim da da, vjerojatno novi ljudi koji će doći na ove prostore, koji će se upoznati sa tim i vjerojatno će biti zainteresovani kojima će se nešto dopasti da kupe. Uglavnom, razvoj bilo čega u Varešu, ja sam na sebi osjetio i meni je to otvaralo neke nove prostore. Ljudi se zainteresuju, dođu iz znatiželje da vide nešto. Ja sam malo samozatajan, nisam se ja eksponirao ni u kakvom pogledu, ali otpriklje ljudi znaju za mene.

**Po Vašem mišljenju, kako vidite budućnost nakon otvaranja rudnika u Varešu?**

Meni je jako žao da je, za varešku mladost, rudnik malo zakasnio. Da je bar počeo sa radom prije 5 godina jer mislim da je tada u Varešu još bilo mladosti. Još su ljudi imali potrebu i motiv da ostanu u Varešu. A sad su mlađi ljudi otišli, ali dolaze drugi mlađi ljudi. Nije to ništa sporno, samo je činjenica da li će se oni vezati istinski za Vareš kao što smo mi. Ali u svakom slučaju za grad mislim da se neki efekti već vide. Drugačije se diše.

**Smatrajte li da će Vareš doživjeti svoj ponovni procvat u budućnosti?**

Neće moći i tu nemam nikakvih iluzija jer se ne može zanemariti činjenica da je u Varešu u tom periodu radilo od 8500-9000 ljudi od 21000 stanovnika. Vrlo mali broj ljudi će htjeti započeti novi život u Varešu. Mi kao ljudi se vežemo za svoj prostor, svoj rodni grad, nismo mentalno u tom kapacitetu da sad tako rado dođemo u drugi grad i tu živimo.

**Za kraj našeg razgovora. Imate li neku poruku za mlade ljudе?**

Volio bih da se val odlazaka koji je bio proteklih godina bar djelomično zaustavi, a uz vašu pomoć, mislim da bi se to moglo desiti. Vi ste u ovom momentu pokretačka snaga, neko novi koji može donijeti boljši Varešu.

**Hvala Vam puno na Vašem izdvojenom vremenu.**

Hvala i Vama.